

中華民國元年九月一號

(陰曆七月二十日)

總 882.1
4
:5

南京醫西學報

第五期

● (類紙報聞新作認號掛准特政郵國民華中) ●

本會代貧民誌謝

茲經本會參議員孫惠臣君交到無名氏某君樂助施藥洋一百圓分存老廣和泰山堂同仁堂三舖以備本會各醫院代為施送貧病某君素以樂善好施為懷此次因病獲痊慨然輸款惠濟貧民本會極為欽佩特載報端以代貧民誌謝

庶務員黃慎齋啓事

敬啟者本會自成立以來鄙人奔走其間恆虞隕越時逾半載心力交隕適抱采薪難膺厥職頃已報告本會請假三月當另派妥員接充所有第五期報及一切事項關於庶務者鄙人概不負責任特此謹佈

編輯員郭演康鄭嵩厓啟事

本會重行組織。月刊報章。僕等猥以不材。謬膺編輯。讀會內外同志所惠大作。鴻文吉羽。美不勝收。惜限於篇幅。每有遺珠之憾。不足以鑿閱報者之心。私衷不無歉仄。惟見惠諸稿。通論最多。雜作較少。學說尤屬寥寥。本報之宗旨。為研究實學起見。似以學說一門為第一要素。應請諸君多惠學說。雜作次之。至於通論。果能發揮義蘊。體裁合格。亦為不可缺之要點。畸輕畸重之間。想諸君學問淵深。識見私遠。當能俯鑒寸丹也。特此廣佈。

本報目錄

文論 羣言 振興醫學論 論中西醫學各有所長不可偏廢
 學說 書薛一瓢先生濕熱條辨後 中醫之磁電學
 藥物學 芭蕉
 雜錄 戒煙為強種之基說 戒煙良方并序 論抱龍丸 本會公送上海醫藥聯合會祝詞
 交際員 鳳笙赴滬代表記 七絕十六首
 事件 本會紀事二則 本會致中華醫藥聯合會意見書 贊成員姓字錄 會員一覽表
 新聞 中華醫藥聯合會紀略
 附錄 本會夏季課藝五篇

文論

羣言

王



班孟堅有言曰。不能愛則不能羣。不能羣則不勝物。不勝物則養不足。西儒赫胥黎氏著天演論。深明保羣自存之道。斯實塞羣誼一篇。亦以己輕羣重為言。中外通人哲士。兢兢以善羣為務者。蓋能羣者存。不能羣者亡。天演中最大之公例也。

然此亦天機之自然。無所用其勉強。觀禽類之鴈與鳥。昆蟲類之蜂與蟻。相需相倚。結隊而游。以自保。其種他如樹木。以成林。而愈蔚。麋牛。羊。以成牧。而愈繁。滋人羣於聚散之間。係較物類尤為密切。人謂團結之感。念由激刺而生。吾謂親愛之忱。實天賦之良。則也。惜乎利欲汨之。人人自營其私。人類乃日益渙散。而不復能羣。

雖然私之一言。要亦有辨。人生莫不有欲。莫不求遂其欲。求遂其欲即私也。然一羣之中。人人求遂其欲。苟宗旨惟一。而無害於同類。雖私亦公也。集工匠而營巨室。非人人望其落成乎。帥壯士以克疆敵。非人人欲奏戰功乎。對於他人。則為私。對於一羣。則為公。世界一切之事物。皆私之媒介。而絕大之事業。亦私之一念所構造而成。惟不能以之戰勝於萬物。而徒自相殘賊。等於傾軋者之所為。私於個人。不能私於一羣。則羣道將息。吾人何以自存。夏少康一成。一旅。卒王天下。王巨君如火。如

茶之數十萬師敗於昆陽而不復振一能羣一不能羣其左驗有如此者

試以醫會證之醫會者羣少數之人為多數人謀衛生斷保康本其學術經驗以探討中西之長短此非一人所能為力於是向之各守師傅人自為學者今日乃鎔冶於一爐以期學術之漸能統一觀泰東西於各科醫學莫不集會以事研究故能日益精進蓋羣之效力也

中國醫學雖往籍具在而操術則各不相謀學有所短則諱莫如深一方之長則秘而弗道或專務吹索以顯己長或膠執成見而不知變此在閉關自守之世識者猶知其不可今何時乎午夜枕戈中流擊楫事機所迫稍縱即逝竊願操長桑藥者於風雨如晦之中聆跽且難聲重喚印須於我友僕不敏敢一言斷之曰欲醫會之發達非人人有羣學之思想不可否則人各自營自營則競爭起而羣渙赫胥黎氏嘗曰自營大行羣道息而人種滅嗚乎無羣則無人種何有於區區醫界一團體乎明乎此而業醫者危明乎此而業醫者益當自奮自奮云者非起而悻爭之謂也人人以公益為心共相維持於弗替無稍放棄無稍詭隨不甘離羣而索居亦不致為害羣之馬各矢其宏願毅力互相淬厲有公益而無私利有社會而無個人磅礴鬱積俾醫會之前途日興未艾斯維特醫會之熱忱將馳榮譽於遐邇矣願不偉歎

抑僕更有一言願與同人共勉者各埠醫會林立日臻發達南京醫學會年湮於其間當共繼續進

行無稍懈志設使一旦廢墜匪特維持中醫之宗旨頓成畫餅亦且貽各埠醫界羞泛舟於驚濤巨浪之中得衆力以護持之但注重船首之方針終有誕登彼岸之一日稍一疏縱立見傾覆諸君為同舟共濟之人深望共挽狂瀾以免淪胥之患豈獨本會之福哉吾願日日與諸君求新理吾尤願日日與諸君言合羣

振興醫學論

廣東黎天佑庇留來稿

中醫腐敗於今已極振興醫學當務為急熱心之士無不日聯合醫會創辦醫報可以交換智識振起醫風矣而作育人才則尤以開辦醫學堂為不可緩稍有智識者無不謂然而天佑則曰非得人不可得人則醫會醫報即無異聚千里於一堂又無異出所學以函授學堂者有形之授受社會者無形之授受學堂則已行世者誰甘上課社會則無論已行世未行世均可入社學堂得人教員有教育之權速則一年遲則二年學生亦可升堂而入室然橫覽七十二州於仲景之學果已升堂入室者幾人乎倘以尋常之負盛名者承乏其間非不循例而講皇帝仲景之學乃訓者既無心得聽者何從觸其悟機畢業不知何期就令領得一紙文憑雖勝於胸無點墨者遠甚然亦不過多幾句靈樞素問之口誦禪而已試問以所診之病源病情病機病竅恐終愉快而無據安望其對病發藥藥到病瘳也醫風之弊之積重難返也若者喜涼若者喜熱若者喜輕描淡寫若者喜猛烈攻伐有

爲之說者曰。某派輕清。宜納稊之流。某派猛烈。宜藜藿之輩。漢派則專重溫補。上流社會者宜之。此直不知漢派仲聖之真耳。傷寒論一百一十三方。無奇不有。最奇者。燒散。可治陰陽。一味甘草。可醫喉症。梔豉二味。可醫不寐。某派有此輕清。單否瓜蒂十棗。抵當陷胸。某派有此猛烈。雄悍。否。白虎。承氣。四逆。白通。之救急。爭命。確能起死回生。然認症不的。則其弊立至。非寢饋多年。學有心得者。不能用。亦不敢用。每見有背誦如流。而畢生治病。曾未用一經方者。誠恐動輒得咎。不得不陽奉而陰違也。醫藥是最險之事。藥入口。非功。則過。縱不爲人計。亦當自爲計。醫學未精。誤人而不能知。自誤。亦無從而知。何不將此博取時名。九牛二虎之力。返而尋味仲聖之真傳。到升堂入室時。任極離奇驚駭之症。如六鬱在手。一塵不驚。豈非快事。且名譽與權利兼收。何等幸福。中國醫書。汗流充棟。任抽何種。亦非全不能治一病者。若論實有把握。則舍聖聖相傳者不能也。所謂中醫之真傳也。有辨論中醫長短者。此等中醫。何足比數。若深入仲聖堂室。則一長而無不長。否則直謂之偶中耳。烏足以言長。醫會責任。全在會長。會長得仲聖之真傳。所有論說醫案。無不根據仲聖。各處來稿。亦非根據仲聖者不錄。如是不一二年。則社內人人。皆可以入仲聖堂室。學有把握矣。是會長無殊師長也。吾輩無一非黃帝之子孫。仲聖直接皇帝之真傳。不取法仲聖。是獲罪於皇帝也。果能認真辦理。則學堂也可。醫會醫報也。亦無不可。否則墮入奇妄。欲興醫學得矣。

論中西醫學各有所長不可偏廢

金山俞景琦來稿

今夫中西醫學。分爲新舊兩派。譚新醫學者。莫不將我祖國五千餘年歷聖相傳之心法。弁髦視之。直欲火其書。亡其術。使中華四萬萬之蒼生抱病者。盡服東西洋藥劑而後已。尙國粹主義者。則又夜郎自大。徒以五行生克。幽渺無稽之談。懸爲口頭禪。而以西藥爲霸烈。謂非王者之治。不足法也。於是新舊兩派。各是其所是。不爲學術之惕勵。徒以口舌爲競爭。如是而欲醫學前途。還其發達得乎。夫事以相形見絀。理以互究益明。有競爭而後可進步。愈競爭。則愈進步。此世界之公例也。蒙謂有競爭心。易生意見起劇烈之競爭心。易生劇烈之意見。意見不解。卒歸於偏。既有偏見矣。其競爭也不惟不激。促學術之進行。適足以滯學術之發達。是競爭雖進步之始。當先破人。我之偏見。各抒所長。各改其短。取彼之長。補我之短。專以濟人利物爲懷。無分中西畛域。此學術不難進步。而競爭議論。胥有價值矣。彼空言保存國粹。漫事詆譏。與夫竊取西醫之皮相。自炫奇異者。其間相去何如哉。平心論之。中西醫學。各有專長。西醫學術之精者深者。僕不能明道。其淺顯易見。如剪腸接骨。破腹取兒等。足爲中醫所取法。而中醫能突過西醫之處。優點亦多。即如寒熱虛實表裏陰陽八字。乃中醫之專長。亦足爲西醫則倣也。故中醫誠能由中及西。從理想而進乎剖驗。則學術蒸蒸直上。西醫縱不我法。我未必嗒乎其後矣。願醫界同人共勉之。

學說

書薛一瓢先生溼熱條辨後

郭廷熙 演康

是書以陽明太陰為綱。以少陽厥陰為兼見。而扼要在膜原三焦。統治分治。以曲盡病機。尤兢兢以傷胃液為戒。為治溼熱病者開無限法門。並示以絕大之主腦。而用藥之輕靈變幻。如脫罔之用枇杷葉蘆根等。嘔呃之用黃連蘇葉。咳嗽之用葶藶六一散。枇杷葉。皆能窮究本原。不落通套。義精詞卓。雖寥寥數紙。蓋必傳之作也。

但古人著書。竭畢生之精力。以壽世而活人。其識遠。其學深。究未嘗不虛心誘掖。以期後之人更訂完善。置美玉於斯。苟有微瑕之可指。雖良工不能為之掩也。是以東坡著詩。糾正者。靡有翼。朱熹集注。改錯者。毛。奇。齡。竊本此義。小有指摘。先生有知。儻亦憐其狂而不之責歟。

如云（溼熱症初起發熱汗出胸痞口渴舌白溼伏中焦宜藿梗蔻仁枳壳桔梗鬱金蒼朮厚樸草果半夏菖蒲六一散佩蘭葉等味）夫所謂溼熱者。為寒溼鬱久化熱歟。既經化熱。吾方慮其化燥傷液。可再以蒼樸半夏草果助之虐乎。抑始病即熱歟。吾不聞治熱病用辛燥藥也。謂舌白為（溼伏中焦）夫溼之所伏。即熱之所伏。胃中清腸之氣。為熱邪所擾。不能上布於舌。此時若以薑皮竹茹花粉滑石苡仁之類。佐以藿香薄荷青蒿荷葉等透邪之品。隨其所現之症而用藥。大概以辛涼

甘寒為治。或略加樸蔻以為反佐。苔即轉為黃潤或粉膩。若誤認白苔為溼伏未化。則大謬矣。

又云（溼熱症舌根白舌尖紅溼漸化熱餘溼猶滯宜辛洩佐清熱如蔻仁半夏菖蒲大豆卷連翹菴豆壳等味）夫溼未化熱。尚需蔻半等藥。即不得名為溼熱症。既曰溼熱症矣。舌尖又紅。尚可辛洩乎。雖有連翹菴豆。其何能敵。

此症脈難憑。舌亦難憑。所可憑者渴飲與小便赤熱耳。且症既名溼熱。自當以利溼清熱為治。何得以火濟火。浪投辛燥乎。稍一放手。舌必光滑紅絳。症必煩燥大渴。甚至逼邪入營。熱蒸血液上騰。口反不渴。內液被劫。亢熱無汗。遂釀成壞病矣。

嘗見長夏溽暑之際。遇發熱口渴苔白之症。醫者以為長夏溼土司令。或以為無溼不成暑。囿於溼伏未化之說。於是蒼朮厚樸草果蔻仁半夏青皮陳皮代代花等。大隊並進。以治寒溼之法。治溼熱。豆豉大豆卷。亦隨手書入。間用蒼連梔柏。以為苦寒燥溼。而忘其化燥以灼陰。師友相傳。不自知誤。致承其後者。日以滋液救焚。清燥救肺。生脈。復脈。甘露飲。等湯。為之補偏救弊。而未有已。謂非先生作之俑乎。然先生明言為溼重熱輕者論治。不謂治長夏暑熱症者。亦用此法。又豈先生所及料耶。

中醫之磁電學

古吳林大藥仙耕來稿

人身一太極。太極一陰陽。陰陽二氣。即中醫之磁電學。試問氣血何以運行。津液何以流布。腸胃何

以蒸化。四肢百體何以旋轉自如。無他。一電之所為也。電於何寓。寓之於血。電於何生。生之於熱。電於何發。則在細微。而靈動之腦氣筋。不觀夫走馬燈乎。燈之活動。雖有牽引之力。然其中無火。則活動之機。息。吾故知人身如走馬燈。賴此一點真火。以為蒸汽。機關真火。即電也。電者。人身熱度。製造而成。故泰西電學家。有熱能生電。電能生熱之說。以古人之學說而言。不有云。龍雷之火者乎。龍雷之火。得雨則益肆升騰。見日在立能潛伏。所謂太陽一照。燭火無光。此非中醫之電學。而何。龍雷之火。即七情五志之火。亦即所謂命門相火。三昧真火。此蓋無人而不具。此電第蟄藏之則。人身和平日所以不常發現者。在乎能自制伏。七情五志。不傷厥腦。腦自有管制其熱之權。西醫云。腦氣筋之中心有電。誠如此說。則電果在腦乎。抑在血乎。吾知人身真電。以血為體。以腦為用。非血中之熱。不能生電。非血液之充。不能養電。然非腦之感動。不足以發電。非腦之筋線。不足以傳電。西醫嘗言人身之電。男多正電。女多負電。血氣生性者。多於溼氣生性。夜間電氣。多於清晨。飲酒後電亦加多。當風溼時。電幾無之。故用電療法。以行動氣血。按正電即陽電。負電即陰電。無論男女。皆具有陰陽二電。男女各具陰陽。則男女各一太極。持男以陽電為用。女以陰電為用。男女之慾火。即陰陽二電。為之吸引。如磁石之引鐵。苟得其當。原有交換。磁電之益。若過其度。即有損失。磁電之虞。惟人至孤陰獨陽。往往真電自發。無所依附。亦無從管制。如枯木之自焚。而死。凡人之遇雷殛者。原以人身

之電。感召。天空之電。故人死之後。猶能觸之使起。立行動者。可見遺魂猶有電存也。不然。兩手搓摩。何以發生硫氣。摩擦貓身。何以亦發現電光乎。吾故曰。宇宙一大磁石。南極為真陽。北極為真陰。攝吸山川人物。地球上。有無量電氣。而人身一小磁石。心位平南。而主君火。君火屬陽。賢位平北。而司相火。相火屬陰。一人身之南極北極也。古云。心腎相交。殆即陰陽二電吸引之力。顧陰電又分為二。雷火屬肝。體陰用陽。龍火屬腎。體陽用陰。同稱相火。主靜而不主動。其動也。乃其臟性之自動也。其臟維何。一腦臟而已矣。腦性至靜。一經感動。即與各臟腑相關。各部分受腦之影響。為最速。古以五志分屬五臟。而今之學說。則謂七情五志。皆唯腦所司。如用腦太過。則真火自焚。電氣發現。陰液受煎。必至枯竭。而後已。故凡真電發現。每不在血。充火盛之軀。而在陰虛火旺之體者何也。蓋人身之電。以血中熱度。製造而成。而丹田氣海。為棲息蟄藏之所。斯豈人身真有此命門歟。吾知腹腔為微血管最多之處。血多則火多。故藏火亦多。誠可謂生人之命蒂。若根本脫離。即元海無根。命脈不固。真火上升。直沖腦舍。雖然真火之自焚。仍必自熄。而後可。西醫所謂性靈病。東醫所謂精神病。中醫所謂情志病也。自熄之法。莫如心理治療。可以按納真火。而藥物僅足為補助之品。古人治虛火。立有從治及反佐之法。不用寒涼。直折洵屬獨得之見。彼西醫但知以寒治熱。非用水罨。即用冰療。若以治此症。未有不立見其斃者。是則龍雷二火之電學發明。豈不為我中醫之所特長者。

平。古人以龍雷爲相火之喻。其義至確。後人苟能引伸其理。卽爲專門之磁電學。其症候爲面赤戴陽。目射精光。五心煩熱。舌紅不渴。脈數無力而細。足冷如冰。頭汗如雨。痰喘氣逆。咽不紅而驟痛。久瀉脾虛。夜不合眼。

其原因爲房勞奪精。誤飲寒冷。或中陰寒。致陰偏陽越。亦或久病虛勞。脾虛久瀉。真陽上亢。以及傷寒陰盛格陽。

其治療爲精神療法。心理療法。若用藥物。則有仲景之真武湯。理中湯。三因之姜附參附朮附湯。千金之腎炁丸。扁鵲之玉壺丹。馮氏之全真一氣湯。喻氏之資液救焚湯。景岳之右歸丸。其餘外治法。則有芥末洗足。附子吊脚。手掌按摩。種種皆引火歸元。導龍入海。

藥物學

芭蕉

包蕉村

蕉類甚繁。出江浙者華而不實。出嶺南者華實並茂。其幹非草非木。另是一種。內含水汁。根含汁甚多。其汁性寒。味苦微甘。善解熱毒。光緒乙酉。先父見背。余撲先父之身。哭之慟。迨起立。耳目口鼻盡腫。余對鏡照之。模糊莫辨。慌甚。幸庭前有蕉樹。急以刀割取蕉汁兩大碗。分兩次冷服之。子夜時。五官分清。腫毒全消。屈指服汁與消腫。僅隔七小時也。（先父以暴疾終。據理論之。當可解熱毒傳染。

病）是時余居浙江歸安縣竹墩村。此浙江蕉樹汁治病之實驗也。咸豐十一年及同治元年。先父在香港行醫。是時香港甫開新埠。居民少而嵐瘴多。（香港於道光二十九年屬英。余隨先父僑寓香港時。香港止海邊一條街上。環半條街。若中環下環西營盤灣仔燈籠洲等處。皆荒山一片。漫無人煙。不若近時之數十萬家煙火也。）風俗强悍。不受法律。且好食禾蟲。（有一種蟲形若蟻。蟻分青黃紅黑四色。生田中。傷禾稼。嶺南人調以五味充饌。品服之。發濕毒瘡疥疔類。）以故下流社會之人。多患疔毒。一患疔毒。又不肯忌葷。故疔瘡走黃之症。該處獨多。先父每以芭蕉根搗汁。令冷飲之。雖偏體走黃者。無不愈。且愈期甚速。必在十二小時以內。此嶺南蕉汁治病之明徵也。更可異者。嶺南地暖。多大麻瘋。凡蕉園繁殖之區。麻瘋必罕見。以蕉能喻受空中瘴厲之氣也。天之愛人。有令人不可思議者。其果類又不同。以香芽蕉爲最上品。形瘦若灣弓。皮黃肉白而細膩。入口香甘。可人。味極美。潤肺生津。次者爲香蕉。形瘦長不灣。味與芽蕉相仿。肉之細膩稍差。香甜略遜。然亦佳品也。又次者爲大蕉。形肥身矮。皮黃肉粗。水略多。味雖甘而氣帶臭。價廉。下等人羣購啖之。功能滑腸通大便。其香蕉芽蕉兩種。止能潤口吻。不能必其通大便也。市上所售者皆香蕉。芽蕉運至外埠者甚少。大蕉亦因賤品而不運出口。三種蕉。大蕉能代藥品。芽蕉香蕉止能供果品。皆不可多食。性粘滯。恐留著腸胃也。金陵花園中有所謂美人蕉者。開紅黃花。全非蕉類。止供玩品。不堪入藥。疑卽

是本草拾遺之虎頭蕉。雖有治血淋及一切吐血之說。以勿輕用為妙。

雜錄

戒烟為強種之基說

浙湖凌志雲來稿

上而病國。下而覆家。大而滅種。小而殺身。其洋烟之禍乎。絕之不能。禁之不可。刑之不畏。勸之不知。其戒烟之難哉。嗚呼怪矣。今使舉天下吸烟之人。而罔知弱不如強。貧不如富。吾猶謂其蔽於明也。又使舉天下吸烟之人。而罔不好死惡生。好天惡壽。吾猶謂其安於性也。然而執利執害。孰屬孰屬。吸烟之人。固能辨之。乃嗜好如故。酣睡如故。一榻橫陳。千夫俱廢。豈真天禍中國乎。何吸烟之人。竟至死而不悟也。昔林則徐悲之恫之。嘗設以峻法。示以明訓。冀天下之人。脫離苦海。共起沈疴。而卒之外格於強鄰。內敗於奸商。由是因噎廢食。禁刑例矣。法網弛矣。烟館開矣。捐稅訂矣。自前清咸同以後。中國之人民。其見斃於鴉毒者。蓋不知幾萬萬矣。中國之銀錢。其流入於外洋者。又不知幾萬萬矣。方今民國成立。革故鼎新。以禁煙為自強基礎。法令重申。限期嚴迫。內地烟館土店。相繼閉歇。凡私吸及私售者。科以相當之刑罰。雷厲風行。必掃除煙毒而後已。而急公好義之人。競開戒烟會。以勸之。設戒烟局以醫之。嗟我人民。能無猛省。與其違禁而入廢民之籍。受此奇辱。何如及早戒除。共成健康之民。此固我同胞四萬萬人之幸。願諸列戒烟數方於後。以備採用。無非為保國強

種之原因云爾。

忌酸丸方 林則徐原方

生洋參 五錢	白朮 三錢	柴胡 二錢半	黃連 四錢	沈香 二錢	炙黃芪 三錢半
歸身 二錢	升麻 一錢半	黃柏 四錢	木香 二錢	炙甘草 三錢半	陳皮 二錢半
天麻 三錢			忌火		

共為細末入生附子七錢米泔浸透石臼中搗如泥再入烟灰一兩攪勻麵糊為丸如桐子大每

應有一分者每日所服之丸須有烟灰一釐為度飯前吞下
按此方當時行於粵地故君以生洋參重佐連柏若施於江浙而生洋參可酌易黨參連宜減為一錢半柏宜減為二錢似覺妥善

補正丸方 林則徐原方

生洋參 白朮 柴胡 天麻 黃連 陳皮 炙甘草 歸身 升麻 沈香 黃柏	分兩俱照前方
------------------------------------	--------

共為細末用密和丸如桐子大食後送下

(注意)前方以斷癮為主。故藥味不能更改。此方以扶元為主。可隨氣體斟酌。但切忌滋膩斂滯等品。致煙毒伏匿不出。(用法)前忌酸丸服五日後。宜以補正丸頂換。例如初一減忌酸丸一丸。則用

補正丸二丸吞下。至初二則減忌酸丸二丸。又用補正丸四丸吞下。餘可類推。至忌酸丸減盡。再服補正丸十日或半月。後連補正丸亦不服矣。二方均極效驗。幸勿輕視。

戒煙膏滋藥方 宜於冬令服之

路黨參 二錢	明黨參 二錢	炙黃芪 二錢	茯苓 三錢	玉竹 三錢	姜半夏 錢半
新會皮 錢半	酸棗仁 二錢	益智仁 二錢	嬰粟壳 二錢	炮姜 二錢	旋覆花 錢半
杜仲 二錢	甘草子 二錢	炒白朮 二錢	炙甘草 錢半	熟百部 錢半	清膏 六錢
紅棗 一兩	赤糖 四兩				

右藥除烟膏沙糖外俱用河水浸一宿入鍋文火煮爛用絹袋濾淨渣煎濾兩次將藥汁復入鍋內煎片時再下赤糖並烟膏攪勻熬成膏滋每錢一錢服膏滋一錢二分開水送下每服須在一煎鐘前第二次煎膏滋烟膏減去一成逐漸減去烟膏至癮斷為度

附錄簡便三方

以上數方本屬靈驗而配合需錢數千貧者無力備辦尚有所藉口再錄簡便數方皆費錢極省而取效甚捷謂予不信請嘗試之

四物飲

赤沙糖 一斤 生甘草 一斤 川貝母 八錢 雅片灰 三四錢

右四物以清水十餘大碗入銅鍋煎二三小時約存三四碗愈濃愈妙將渣濾出取汁貯磁器內每日早起及臥時取汁一小杯開水溫服

瓜洋飲

南瓜正在開花時連其葉與根藤一併取下水洗淨於石臼中合搗取汁常服自能斷癮

又方

炒米粉 九錢 生鹽 一錢 烟膏 一錢
右和勻為丸如有癮一錢服此丸一錢逐漸減去烟膏加增炒米粉

按忌酸補正兩丸海內風行已久附錄數方及後載王柳門先生雜著所錄之戒烟良方足徵

兩君心存救世加意搜羅爰併登之以備痼疾烟霞者之選用可也 編輯者附識

戒烟良方小敘 采劍青室主王柳門先生雜著

近來戒烟藥丸四方林立無不稱為秘製但見各家所售凡散藥水藥粉等項甚多而能必其斷癮者萬無一效何也皆由各等藥料非參辛熟雄悍之品即以烟灰為君只可抵癮實難斷癮徒受一番苦惱反被其害予於中年染氣痛之疾諸醫罔效惟吸洋烟數口其痛即止非獨能療痛病且覺

精神煥發。由是日吸日深。而烟癮成矣。年餘烟癮漸大。舊病亦旋發。吸亦痛不吸亦痛。加以胃口羸弱。粒食不甘。肢體疲乏。面目焦枯。對鏡相看。不勝歎息。因思初本恃烟療病。繼乃因烟增病。今則欲先治煙。而後治病。又恐錯服丸藥。更生他病。此時此際。實難自主。適有一友携戒烟良方過訪。且曰我吸洋煙二十餘年。今得是方。戒斷不食久矣。君果欲戒。請嘗試之。觀其容貌。大與昔殊。稔知其言不謬。惟初見此方。品味平常。毫無奇妙。半疑半信。姑且置之。數月後更覺不堪。於是矢志戒烟。即將所贈之方。如法煎服。亦聊以嘗試之耳。不意服藥三日。即不思煙。且無苦況。又無病生。服至半月。大有殊功。不但飲食倍加。兼之精神頓爽。并前氣痛之病亦不復發矣。月餘而煙癮遂斷。藥到回春。捷如桴鼓。書云兵不在多而在精。藥不貴奇而貴效。是方之謂也。細參是方。君以杜仲能補腎元。故腰脊不痛。臣以山藥能助脾陰。故能進食。佐以川貝二花。能除痰而舒肺氣。使以鶴虱紫參。能消積而破癥瘕。陳皮甘草。專於和中。引以煙灰些少。直達舊日病巢。弭之正所以攻之。方以類聚。故能止癮。其尤妙者在飲一杯復沖水一杯。則煙味日淡。自能潛移默化。計其功效。亦等於初上癮時。潛滋暗長。以漸而進者然。此實自然而然之至理。又何疑焉。予得是方而癮斷。且因是方而病痊。故特剖明是方之君。臣佐使妙用如此。不敢自藏笥匣。欲以公諸同人。竊願諸君共出迷津。脫離苦海。借此寶筏。誕登彼岸。何樂如之。僕非謂戒烟之方。舍此無以復加。但及身試驗。收效如此。特敘片言。以質諸

世之有識者。

經驗戒烟良方

厚川杜仲三錢 款冬花三錢 紫參三錢 大山藥三錢 旋覆花三錢 陳皮一錢 小川貝母三錢 鶴虱三錢 甘草二錢 加煙灰三錢 癮輕者加一二錢亦可

右方各味。揀上品藥材。用清水四大碗。煎至兩碗。斟起。再用清水三碗。將渣並煙灰同煎至一碗。零。用布格去渣。前後藥水相勻。第一日癮未起時。燉熱飲之。飲至不見癮起為度。第二三日則飲三兩杯便得。飲至五日後。則飲去藥水一杯。沖入滾水一杯。至半月後。照方復作一劑。減輕煙灰。如法煎服。飲至斷癮為止。但減煙灰及沖飲之法。則視其煙癮之輕重。是在能心領意會矣。

論抱龍丸

儀徵盧則鍾育和來稿

世俗每以抱龍丸統治小兒急慢驚風。前清莊在田先生編幼編。已明斥其非矣。奈習氣相沿。至今不悟。仍有混而誤用者。僕再贅陳其說焉。夫急慢驚風。本分兩症。原因現狀。截然不同。急驚之候。目窻肢搐。牙關緊急。身熱煩躁。面紅頰赤。良由肝陽素旺。痰火相激而生風。慢驚之候。則昏睡露睛。身涼微搐。面色淡黃。或現清白。神倦氣短。糞帶青色。多緣真賦既薄。復久痢久瀉。土虧木乘而生風。一虛一實。病因各殊。宜清宜補。治法亦異。故昔人於急驚以豁痰清火。取牛黃抱龍為主方。於慢驚又

以養正扶中。推緩肝理脾爲善劑。何今時之醫。一見小兒驚搐。不辨其勢之急慢。症之虛實。往往以抱龍等丸籠統混治。設遇慢驚。未有不立時告變者。良可慨也。

本會公送上海醫藥聯合會祝詞

司歲備物。醫者之恆。幹旋造化。迺程厥能。仲師赤餅。韓康賣藥。收採及時。手自配合。牛溲馬勃。敗鼓之皮。藥籠中物。予取予攜。醫不備藥。是爲大病。兩不相謀。同歸於盡。有大豪傑。力挽狂瀾。組織聯合。勉爲其難。醫師藥師。是二是一。生存競存。一致併力。調燮陰陽。煅煉金石。繁我軒農。靈爽於赫。手闢荆棘。足履康莊。進步敏捷。爲國之光。遠大規模。難能可貴。南豐瓣香。祝萬萬歲。

交際員濮鳳笙赴滬代表記

八月二十二號(即陰歷七月初十日)中華醫藥聯合會。在上海強園安境第。開成立大會。僕承本會推爲代表。赴滬陳述意見書。午後二時。往晤該會發起人王問樵君。余伯陶君。又由王君導至會所。先謁會長李平書先生。報告一切。先生和藹可親。垂詢本會旨趣。極蒙嘉許。並款以西席。倍致歡迎。無何諸君子聯袂紛來。互通款曲。九時開會。王君復登臺代僕讀宣言意見書。述明原委。其規畫之周詳。議論之透闢。尤足令人欣羨。僕得與參觀。榮幸萬分。迨散會言旋。已鐘鳴十二下矣。二十三號。

又蒙會董余伯陶君。倩王君代邀吾鄉隨仲卿君。與僕同赴履泰西餐。極形歡洽。席間王君詳告發起該會之理由。及種種進行方略。無微不至。有美悉臻。益使人傾倒無已。二十四號。王君又以鄉誼。堅留盤桓一日。誠懇難辭。直至翌日。始獲趁晚車而歸。是役也。綜計旅滬所需供給。并回寧車費。悉由余王二君。代爲應付。僕辭不獲命。情難過拂。祇得拜受嘉貺。而寸心銘感。至今神尙遠馳。用綴數言。以誌其優待之情。用鳴謝悃。並以報告我同會諸君。

讀南京醫學報率成俚句四絕謹步王筱石君原韻以誌欽佩 金山俞本立道生來稿

寧垣醫界聚名流。學究中西意氣投。却病衛生參妙諦。民無天札徧全球。着手成春豈偶然。全憑詣力得新詮。會看醫學昌明日。不讓歐西獨步專。從來溫故可知新。大義微言妙入神。一紙風行傳宇內。宛同有脚到陽春。漫云醫道好生涯。到處常存濟世懷。從此交通增智慧。文明進化樂同儕。

閱報有感激步章君伯新原韻 安徽甘 沛少農來稿

巍巍華國曙光侵。雲霧依然鎖杏林。伯仲之間見和緩。新開醫界有深心。報紙風行魄力堅。後賢豈必遜前賢。忘機慢問漁樵趣。手把當初廢墨研。道同千里亦相親。鳴鳳當陽仁術新。流水高山綿舊調。笙歌遙答比天鈞。

歐風亞雨動神州。葆養天和占學優。病國近年登壽域。張衡且藉筆銷愁。

讀貴報偶成俚句四章步王筱石先生原韻藉以誌喜

金山俞景琦來稿

機關組織砥中流。社續蘭亭臭味投。同挾歧黃千古奧。精神振作敵環球。經旨玄微豈渺然。羣公協勵識真詮。事非研究無新理。學到昌明毅力專。中華民國煥然新。醫會宏開倍有神。調燮陰陽推妙手。融成東亞一家春。回思舊雨在天涯。雲樹悠悠感素懷。一紙書逢鴻雁便。同心同力祝同儕。

偶題吳氏本草

管祖嗣 續卿

撮要芟蕪具苦心。始基未許度金鍼。取材漫詡時珍博。活水源頭不易尋。幾人被髮諄伊川。棄我徇人見太偏。欲葆五千年。實驗莫將理想薄。前賢分殊色色與形形。築石搜羅比日星。等似吾儒傳爾雅。要通小學始明經。公孫華士亦堪羞。井底私蛙笑未休。禮失儻思求諸野。何人西海更通郵。

專件

本會紀事一

本會為實益衛生起見。經同人議決。擬設四城醫院。惠濟貧民。由會員段抱山瞿壽成徐道生等。創

辦北城利濟醫院。報經本會呈請給示。於七月初一日開診。(即五月十七日)旋經同人組織。以東城會所天喜長生福舊有之送診處。作為東城醫院。醫士係刁星軒吳鏡之裘漢臣三君。復於西城地點適中之營上善司廟。擬設西城醫院。所有內科係推鄭嵩匡君。郭演康君。外科推張鐵梅君。均盡純粹義務。當經呈奉巡警總局給示。略謂(衛生科案呈據南京醫學會呈稱竊照寧垣城廂遠闊西城街巷偏僻戶口繁多其中機戶失業者居其多數值此暑濕薰蒸最易染患疾病該處附近並無相當之醫院貧民求醫不易情殊可憫既經醫會公議擬在門西善司廟設立南京醫學會西城醫院選聘本會會員學識最優經驗素著之內科郭演康君鄭嵩匡君暨內外科張鐵梅君每日上午同赴該院送診並經本會提議夙有名譽諸君輪流到院分勞幫診同盡義務期於衛生實有神益茲承西城紳董善司廟首事權迎贊助訂於八月一號開診所有開辦費用已由本會自備除俟另籌的款進行施藥外相應呈請電鑒給示保護衛生並令行該區就近一體保護等情到局據此查該會自備經費組織西城醫院熱心公益誠堪嘉許應準出示保護除並令西四區就近隨時保護外合行出示曉諭)云云。並經西四區一體出示保護。已於八月初一日開診。(即六月十九日)復由會員孫竹銘裴用舟胡子憲三君。在南城外擬設南城醫院。於八月二十四日開診。(即七月十二日)四城業經設齊。從此一致進行。力求實驗。進步敏捷。異時或未可限量歟。

本會紀事二

代辦中西醫院院長婁君子青。經都督委派後。函由本會會長。介紹入會。婁君用醫院名義。照會本會會長王君小石。為顧問員。副會長朱君子卿。參議員孫君惠臣。文牘員刁君星軒。為參議員。本會即以醫學會名義。照會婁君子青為顧問員。從此互相策勵。實力維持。融洽調和。日求進步。醫界前途。當益蒸蒸日上已。

本會致中華醫藥聯合會意見書

貴會今日成立。從此醫界藥界。一致進行。必有美善之結果。不獨五千年之國粹。可以保存。並能於東亞大陸上放一異彩。敝會固全體擁護。即各處醫界。當無不絕端贊美。夫醫猶戰士也。藥猶器械也。醫界與藥界兩不相謀。是戰士與器械不相悉。一旦臨敵。徒手而與之搏。不敗何待。戰既敗。則器械亦拋棄而無庸用矣。現在西醫西藥。充斥於全國。而中醫中藥。遂有一落千丈之勢。敝會有鑒於此。乘與寧垣藥界諸人。集議聯合。粗有端倪。而貴會乃首先成立。足徵滬上藥界諸君。明達開通。維持大局。本愛國熱忱。能實心作事。此非敝會過情之譽也。第有意見書數則。不得不為諸君請者。一藥材宜采道地也。以湘黃亂川黃。以坪貝亂川貝。附子與天雄不分。川芎與撫芎混用。石斛以養胃陰。東洋斛反以滋燥。西洋參所以補肺。作偽者流弊無窮。黃連肉桂。因價昂而真貨更難考求。此宜

改良者一也。一炮製宜遵古法也。炒白芍乃用烟薰。半夏乃用礬咬。熱地宜九蒸而反爛煮。烏藥桂枝。因久泡而氣味已去。此宜改良者二也。一丸散宜更定也。市間所用丸散。不下六七百種。刪其重複。但留一二百種足矣。當由醫會重行劃定。分為滋養品。服食品。及補肺壯胃養血等品。尤必創製藥水。美其裝潢。臚列治法。俾如六神丸之可以行遠。亦挽回利權之一法。此宜改良者三也。以上三端。雖言之不盡。倘藥界諸君。首能注意於此。是即貴會之成效。不獨敝會所深望。實全中國之幸福也。

贊成員姓字錄

王葆年	蘇州	接子彬	邵伯	袁桂生	鎮江	李雲年	浙杭	凌志雲	浙滬	甘少農	安慶
林仙耕	蘇州	任桐軒	揚州	楊燧熙	鎮江	李鶴舫	浙湖	王蓋臣	浙甯	鄭肖岩	福建
梅詠仙	松江	錢杏蓀	松江	賈瑞甫	鎮江	李嘯雲	浙湖	孔培年	浙甯	王東培	江南
嚴富春	揚州	藍月恒	常州	張小村	鎮江	邵質人	浙湖	魏天柱	浙甯	張伯皋	江南
王問樞	上海	薛逸山	上海	羅煒彤	台州	金惠卿	台州	何憲人	松江	黎庇留	廣東
任際運	上海	高子波	上元								

會員一覽表仍以入會先後為序

王筱石 會長 朱子卿 副會長 段抱山 參議員 孫惠臣 參議員 婁子青 顧問員
鄭樹臣 顧問員 辭職編輯 及文牘 徐近仁 張簡齋 殷伯衡

錢及之 劉楚三 陳蔭庭 戴春垣 張鐵梅 以上皆評議員 郭演康 編輯員

黃鏡堂 校對員 刁星軒 文牘員 趙子新 書記員 管續卿 書記兼調查員

濮鳳笙 交際員 孫少培 交際員 黃慎齋 庶務員 請假 吳鏡芝 庶務員

萬期齋 會計員 楊伯雅 會計員 邵新齋 芮敦之 單炳堃 杭誠齋

程毅竹 徐鼎銘 蕭劭夫 郭炳文 秦漢卿 曾樹人

孟壽仁 崔少堂 包蘅村 秦少泉 江石生 魏煦孫

隨仲卿 濮仲卿 方世英 蔡壽人 黃海瀛 李衡甫 楊仁齋

瞿壽咸 俞福民 馮寶之 孫竹銘 李衡甫 江建東 朱召榮

汪濟生 徐寶如 陳玉堂 戴士龍 張耀卿 張綉珊 徐佐臣

裴用舟 鄭培生 楊鴻年 戴士龍 王樹芝 嚴慎思

張鑑安 鄭培生 楊鴻年 戴士龍 王樹芝 嚴慎思

江從志 何樹棠 孫蔭棠 張耀卿 張綉珊 徐佐臣

余鼎臣 王介庵 王榮卿 丁偉卿 王樹芝 嚴慎思

石劍青 趙效農 朱鹿生 葉煥文 張友直 王受之

王叔山 陶蘭甫 盧蘭生 梁錫鈞 趙託莘 甘樹棠

李潤翹 楊蔭安 李養吾 謀叔侯 林紹商 程鶴亭

程文松 陳培卿 蔡良臣 周壽臣 陳一元 謹佑之

嚴養之 吳蓉舫 王偉堂 彭錦源 裘漢臣 金小山

許吉人 章伯新 宋竹曦 楊勳臣 宋恆安 王蘭遠

鄭秉衡 隨翰英 黃壽章 汪紹松 孫也韓 賈鏡村

朱蘭生 陶禹卿 祝好厚 劉縉禪 王仲選 顧慶堂

李敬之 周培之 陳紹芝 朱笏臣 余月樓 陳鑑香

劉淦臣 周鵬如 唐發餘 張紹卿 周月波 朱錫五

馬欣庵 陸少竹 嚴炳樂 馮明才 汪丙吉 芮伯臣

高玉田 陳炳如 高柳堂 王少賢 夏健侯 湯協文

鄭寶南	楊仰雅	徐筱川	朱雲濤	蔣壽眉	熊榮亭
馬春波	陳初菴	鄭嵩年	安德全	劉健侯	王錦甫
馬棟臣	葉子祥	葉植卿	陳曉忠	張樹生	萬樹霖
江漸之	李琳瑩	徐耀臣	王秩輝	周壽人	張樹春
方仲禮	陳益吾	寶益甫	陳志翔	白耀臣	阮基材
張經綸	彭鶴松	鍾曙憲	姚小軒	何濟東	陳健人
賈炳之	陳子青	許幼成	胡慕周	胡子憲	戴文江
張蘭蓀	胡俊岐	章華甫	汪伯符	蔣少臣	李晉丞

因公遠出
聲明出會

時間

中華醫藥聯合會紀略 錄八月六日時報

本埠城廂內外醫界藥界於八月四號晚八時借成都路貞吉里李平書君寓中開會到者七十餘人公推李君主席宣布是會宗旨以振興中醫改良中藥保存數千年絕學挽回數百兆利權次議定名稱公議定名中華醫藥聯合會次推舉王君有常李君夢仙葛君吉卿姜君步七為起草員擬

訂章程俟開成立會通過次推舉董君梅生錢君庠元譚君幹臣方君希珍呂君潤之朱君裕康丁君仲英黃君杏卿為調查員調查醫藥兩界發布通告書招致入會次議定陽歷八月二十二日即陰歷七月初十日晚八時借張園安壇第開成立大會通過章程呈部立案進行次余伯陶君演說謂本會宗旨對於醫學擬保存數千年來有用之古籍並刪除一切不經之偽說對於醫界擬結合堅大之團體以互相切磋對於藥品擬考其方土之異同別其品質之真偽對於藥肆擬訂正丸丹之錯誤斟酌泡製之得失以上四端本會同人皆當以實力行之者也次錢庠元君演說謂鄙人素習藥業會與二三同志研究藥品共圖改良改良之法尤以設立半日學校使各藥舖學徒皆得讀書俾增知識為根本上解決時已十一時半乃散會

更正

第四期報載江建東君目疾治驗一則內有齋肉上生細孔血自孔出不疼不癢次早齋肉上出刺三根狀如魚刺云云管續卿君按語涉及鮑內椒瘡係推類言之意欲標明椒瘡治法究竟鮑內屬脾齋肉屬心齋肉生刺的係心熱無疑雖經治愈其實此刺之來由及治愈後此刺之去向江君心尚歉然函屬登報更正如承海內博雅名賢知所以生刺之原因務請賜教以廣學識此則江君所翹歧者也

第四期勸諫表

雜錄類 物理一條蝶結腹蟹之結誤作結 祝詞傳以熱腸之傳誤作傳

夏季課藝

是課佳作甚多因限於篇幅下期續登

中國醫藥聯合改良宜從何入手

一行 蕭珩 啟夫

中國有何不良而有待於改。中藥又有何不良而從事於改。夫改良云者。有所不良。改之使進於良也。母亦以西醫之侵入。中醫乃相形見絀。遂自覺其不良乎。且以有西藥之發行。中藥漸無人過問。遂幡然而思改乎。但中醫每善諉過。不自慙其技術之不精。而輒藉口於藥肆之作偽。而藥業指鹿為馬。以偽亂真。實亦屢蹈此弊。無可諱言。則合力以圖改良。誠當今之急務哉。雖然言改良。不如言抵制。蓋就我之一方面而言。則曰改良。就彼之一方面而論。則為抵制。既須抵制。西醫又須抵制西藥。醫家藥業。尤宜兩相扶助。兩相提挈。小之可為個人立身之本。大之即為民國立國之基。題目既已認真。文章自然佳妙。則吾且不言改良而言抵制。即改良即抵制。即抵制即改良。非有二也。然則從何入手。是亦大問題也。曰是有廣義之抵制。有狹義之抵制。動求古訓。母為鑿空之談。貨物認真。必求道地之品。醫藥兩家。事事盡其在己。先自立於不敗之地。則自然無失敗之時。此就狹義言也。以廣義論之。醫者既一面動求古學。又一面研究西醫。務使中西醫術家悉融貫於胸。其究也能使

西醫所謂無特效藥者。我能以中藥効之。其中醫所不能治之病。亦可以西法療之。一面以反對為抵制。一面以仿効為抵制。此醫家之事也。至於藥業亦正如是。但宜側重於仿効一面。無論西藥中植物諸品。如非沃斯曼陀羅龍膽草大黃黃連陳皮遠志丁香肉桂等數十種原料。為中國所固有。即礦物中之鹽化第一水銀（即輕粉）鹽化第二水銀（即降藥）赤色酸化綠（即三仙丹）硝石（即火硝）等。亦非中國之所無。果使調製精良。人又何必舍己國所固有而賞用舶來品哉。此藥業所有事也。合而圖之。乃遂收中國醫藥聯合改良之效果。但又恐藥業所仿造之西藥。中醫不能為廣義之究研。使之坐虧成本。斯又醫家之過。而非賣藥者之過矣。總之凡事皆出於學。勿自家滿足也。遠伯玉行年五十。而知四十九年之非。今之醫者。果皆賢於遠伯玉乎。竊恐老大徒傷耳。嗟乎。萬里。登。登高。自。五。丁。閉。山。是在。人。力。莽。莽。前途。吾。不。禁。作。馨。香。之。祝。矣。

就聯合改良四字切實發揮言中有物以仿做為抵制一語尤為中肯
三名黃恩均 鏡堂

東西各國之醫藥皆自備。故治病祇求認症的確。依法施療。便可取效。而無偽藥誤事之虞。今我中國則反是。醫家與藥家。分道揚鑣。兩不相謀。夫賣藥者不知醫理。從之可也。祇須真誠採擇。毋孜孜以漁利為心。炮製得宜。不草草而顛預了事。即為盡其義務矣。若行醫者不知藥品。則是非真偽。全

不過問。方即不誤。而藥之誤者多矣。揆之於古則不然。內經云。司氣備物則無遺主。韓昌黎進學解云。牛溲馬勃。敗鼓之皮。俱收並蓄。待用無遺。韓伯休隱於賣藥。非賣藥也。實治病也。迨趙宋以後。漸有寫方不備藥之醫。其藥盡取諸肆中。今則舉世皆然矣。且後世凡賣藥之醫。類皆不學無術之徒。久為醫林所齒冷。由是而中國之醫與藥。隔閡愈遠。嗟乎。世風相沿。積重難反。若使醫盡知藥。非開中國醫藥學堂不可。然而緩不濟急。勢難遽達目的。為目前計。惟有本醫學會。招集股款。創設中國大藥房。藥必精良。價必克己。同胞之受益固多。同志之研究亦易。而藥業受此影響。勢必交相兢尚。漸臻於最良善之結果。如此則不求其聯合而自可聯合。不責其改良而自能改良。不然彼等但守其營業性質。腦經中安有競爭生存之思想哉。至藥房所獲餘利。即以之補助本會及醫院之經費。庶幾一舉三善備也。

醫不備藥徒嗷嗷言聯合言改良宜乎毫無效果。初設藥房事頗繁重。非叱嗟所能措辦。潮流激盪。深慮淪胥。買長沙際此時。誠真堪痛哭。

大兵後每有大疫現值。濕暑司令發生。諸證臨床宜如何加意。

二名 徐慶榮 近仁

疫之名昉自上古。素問遺篇詳載五疫。略謂五疫之至。各隨其所值之年。與司天歲氣方向伏久而發。傳染最易。其說精且確矣。迨後漢時。疫證尤蔓延而劇烈。仲師當靈獻時。遭疫者六。建甯之辛亥。

熹平之癸丑。光和之己未。壬戌。中平之乙丑。建安之丁酉。皆見疫證。乃陰陽失位。寒暑錯時所致。宋元以後。不名疫而名曰瘟。喻嘉言所謂雞瘟。豬瘟。牛瘟。馬瘟是也。至明吳又可時。瘟病大盛。則曰大頭瘟。捻頸瘟。絞腸瘟。軟脚瘟。瓜瓢瘟。疔疔瘟。近今閩粵兩省。有所謂鼠瘟者。有所謂爛腸瘟者。又有痧疫盛行。曰蠟螺痧。吊腳痧。紅痧。痧。羊毛痧。爛喉痧。種種名稱。或因時代之不同。或因方言之各異。要皆見形取名。一無精鑿之定義。總而言之。疫也。瘟也。痧也。凡病能傳染者。皆謂之疫。但有大疫。常疫之不同。大疫者。癘疫也。受天地之厲氣而成。發則沿門闔境。所患相同。多起於兵荒之後。內則饑寒交迫。外為雨露所侵。積屍載道。腐穢薰蒸。是以不病則已。病則有死而無生。常疫者。時疫也。受天地不正之氣。或非時暴寒。或非時暴熱。人在氣交之中。感而成病。發則一隅數家。一家數人。證多相似。春夏秋三時皆有之。攷月令。孟春行秋令。則其民大疫。季春行夏令。則民多疾疫。仲夏行秋令。則民殃於疫。蓋疫者。役也。若役使然。其癘邪之來。皆從濕暑鬱蒸而發。觸之成病。其後更相傳染。俱由口鼻吸受。流入募原。處陽明之中道。隨表裏虛實而發。不循經傳也。太旨以出表為順。陷裏為逆。治疫證者。有外解內清下奪三法。如豆豉葱白連翹薄荷之屬。外解法也。山梔蒼苔黃連人中黃之類。內清法也。芒硝大黃之屬。下奪法也。若穢濁疫邪薰蒸。熱痰蒙蔽心胞。神昏譫語。必用芳香宣逐。清血絡以開閉結。如犀角。蒼蒲。銀花。鬱金。佩蘭之屬。所必用耳。若煩渴多汗。可用石膏知母。發斑咽痛。

可用犀角生地牛子。助血下血。可用山茱丹皮犀角。胸膈痞滿。可用括蕪枳桔。嘔吐呃逆。可用藿香竹茹。邪混三焦。熱結血分。宜大劑鹹苦。可用元參金銀花露金汁之屬。而人中黃豆豉。尤為疫門要藥。亦必用耳。他如葉天士之普濟解毒丹。神犀丹。桐城余氏之清瘟敗毒散。新安品氏之升降散。大小清涼飲。以及雙解涼膈達原諸方。均可臨床加意。隨證之輕重而酌用之。庶乎乃克有濟矣。

論治明漸與吳氏溫熱論足相發明

論腫脹

二名徐慶榮近仁

腫脹者脾肺腎三經病也。夫水為至陰。其標在肺。其本在腎。其制在脾。腎虛則關門不利。故聚水逆而上泛。則漬於脾。凌於肺。而腫脹成矣。且脹不必兼腫。腫則或多兼脹。亦有腫脹並至者。皆水與氣之為害也。病在水分。以治水為主。而兼理氣。氣化水自化也。病在氣分。以理氣為主。而兼利水。水行而氣亦行也。但其間陰陽必辨。虛實必分。腫在外屬水。有陰水陽水風水皮水正水石水黃汗水之分。脹在內屬氣。有臟腑脈絡皮膚上下之位。有寒熱濕痰氣血鬱滯蟲積之因。是不可不詳辨之也。陽水腫者屬濕熱壅滯。按之痛。起於中焦。治在腑。法宜清。如疏鑿飲禹功散神祐丸之類。皆可選用也。陰水腫者屬濁氣凝聚。按之不痛。起於下焦。治在臟。法宜溫。如實脾飲腎氣丸五苓散之類。皆可選用也。風水脈浮身重。汗出惡風者。防己黃芪湯治之。若見一身悉腫。脈浮不渴。續自汗出。無大熱

者。此風氣鼓搏其水。駸駸向外。當與越脾湯發之。此因勢利導之法也。皮水為病。四肢腫。水氣在皮膚中。四肢聶聶動者。防己茯苓湯主之。正水為病。身發熱。自喘。其脈沈小者。屬少陰。宜麻黃附子湯。脈浮者為風水。宜杏子湯救肺。此治金水二臟之正法也。石水者。水積膀胱內胞。而小腹硬滿。如石也。其脈沈。一身面目黃腫。小水不利。越脾加朮湯。甘草麻黃湯並主之。此內經開鬼門法也。黃汗之病。身體腫。發熱而渴。汗出染衣。宜芪芍桂酒湯主之。此諸腫之大概也。夫脹者在腸胃則食入轉加。治在通腑。若二便通調。則脹在臟。營氣循脈。衛氣逆則為脈脹。衛氣併脈循分肉。則為膚脹。無問虛實。古法均鍼三里。近者一。遠者三。以疾瀉之也。經云。濁氣在上則生腫脹。此實脹也。又云。飲食起居失節。入五臟則腹滿閉實。此虛脹也。又曰。臟寒生滿病。此寒脹也。又曰。諸脹腹大。皆屬於熱。此熱脹也。因濕勝不化者。胃苓湯。因溼熱痰積。脈實有力者。導水丸。因氣血鬱積夾溼者。小溫中丸。別有蟲脹。因於蟲積血鬱者。中實有物。非若鼓脹之腹皮硬急。中空無物也。宜下瘀血湯。不應。抵當丸加減治之。婦人先腫脹而後經斷者。屬水分。宜五皮飲送通經丸。先經斷而後腫脹者。屬血分。宜通經丸。先喘而後脹著。治在肺。五子五皮飲。先脹而後喘者。治在脾。理中湯腎氣丸。水腫先起於腹。後散四肢者。易治。先起於四肢。後歸於腹者。難治。在經絡者。易治。在臟腑者。難治。實者易治。虛者難治。又須辨有形無形。無形宜輕劑宣通。有形則重劑攻伐。此其大綱也。臨證者。宜審察而施治焉。

論因論治最爲詳贍

論金雞納霜治瘧有無流弊

四名周壽人

金雞納霜。用金雞納樹皮。合礮強水製成。近印度羣島皆植之。其性熱無疑。本草從新收之。則此藥之入中國久矣。西醫本草。誇其補虛。勝於中國人參。夫中國之治瘧。於初發時。每用小柴胡湯。必去人參。恐其補任邪氣也。參不敢用。而謂功勝人參者。可早用乎。西醫治瘧。又謂若無納霜。可以中國山茱萸代之。考山茱萸味酸性溫。瀉精固氣。列入收斂品內。既能以代納霜。則於瘧之邪氣正熾時。不虞其固滯邪氣乎。且瘧者暑熱內伏。風寒外乘。邪正相爭。出表爲熱。入裏爲寒。斯時也。若不開解其外邪。而補之滯之。庸有濟乎。余曾用之。大約邪正虛者。服之即能截止。若大寒大熱之瘧。恐服之無功。乃化學本草。將納霜並蒼朮同列於解熱清涼品內。夫蒼朮中國本草。皆謂其苦溫性烈。而化學又稱其解熱清涼。何相反之甚也。大約溼熱相雜之症。溼去熱亦去。自覺清爽。非蒼朮之性本清涼也。余謂納霜之性。蓋亦與蒼朮同。

中西互證詞簡意賅

本城派報分所

上新河 程文松醫寓
 下關 孟壽人醫寓

外埠派報處

鎮江 楊燧熙君
 丹陽 賈瑞甫君
 邵伯 接子彬君
 蘇州 王葆年君
 金山 錢杏蓀君
 浙江 李雲年君
 湖州 李鶴訪君
 紹興 魏天柱君

廣東 藜庇留君
 安慶 甘少農君
 漢口 葉煥文君
 上海 任際運君
 上海 薛逸山君
 上海 紅十字會
 福州 鄭肖岩君
 儀徵 任桐軒君

外埠郵費自理每月一
 號發行每册價洋陸分

總發行絨莊本會事務所